

國朝常州駢體文錄

國朝常州駢體文錄卷第二十五目

麟石文六首

陽湖劉承寵麟石

勃海槐賦

學謝希逸月賦

七夕賦

元功垂範錄敘

狼煙臺記

弔亡友臧木齋文

申甫文一首

陽湖錢相初申甫

重脩廣濟九龍王祠碑

代

汪先生文一首

陽湖汪岑孫

談鴻如詩敘

國朝常州駢體文錄卷第二十五目

國朝常州駢體文錄卷第二十五

麟石文

陽湖劉承寵麟石

勃海槐賦

伊昔泰始河流輒沕湯湯回回齧昆崙墟伯禹奠止日醒  
冀克植物震蘇蹠蹠今九支分流漫霽而同趨包礪石蕩  
尾闕回波淹溢泱泱之氣實薈萃平茲樞維盱眙瀾渙敷  
威沒平遷夷坂宮隆鬱律爰有古槐劈稻此焉是茁徒觀  
其枝格錯互殷殷莘莘偃蹇緯繡龍結鳥信沛序若羽林  
天軍茅絕轆轤而不可干也聶序若變躡屢以蚶繆霍索  
而不可摘也靈憲憲焉摻赧赧焉纖條彗垂美髮鬢焉摩  
來幡幡襜裳塞焉于是虓雄吐雌吟乾亢坤濤開序不周  
之門諠叱譟吸班輪斑份厲風踊濟上利下縵狀若朝輦

蔓葉連萼布護遠楯平望蹠澹有似壞山入墜亂於如煙  
被麗披離延坑緣隰欹欹習霍還會逆接哀陰悲嘯前擊  
後獵十波十蕩清濁互集晨風鵠旦噫噫相荅嫫婦起嘆  
逐臣鳴邑魂魄褫散震震惛惛若夫箕風動捷日月合朔  
龍關之鬢雪霜委捧脩虬輪困皓皓皚皚千里而芹夜光  
晝氣若增巒之滃白雲也於是庫燿火通燭游驛出僵竅  
穴突怒衝標誦誑飛燭慘凜乍隱乍熠扈扈赫赫電爛離  
越東西馳邁燁燁雜滅招搖喪精泰壹蒙蔑發瞽啟瞶波  
流闌闌焚摧扞摺堅節礪碎倒注滄海猶不能泮直使人  
伉焉慨焉中憤憤焉荆慶之勇嗒然若廢焉若是故天下  
之至奇也亂曰礪碗弗鬱肆蕭櫟兮崦嵫崔嵬扶莫莫兮  
右睨鄧林左攬若木兮驅駟元化鍾詠詠兮

學謝希逸月賦

若英沈采金波展輪蘭宮韜暑蕙帳凝塵於時宋武悼禮  
華之輟芬傷椒風之永夜碧樹墮庭金缸掩榭悵閒館之  
闕清超紫軼而騰駕邁開廣苑夷崇岡經屬玉披林光屬  
車陪從素琴高張疏星案戶皎月橫塘淒其紈扇零亂衣  
裳濡豪抽簡以命謝莊莊跪而稱曰臣聞泰壹剖判陰陽  
權輿緯以陽曜汁以望舒再索冀位乎元冥三五灑魄而  
盈虛祥風映麗於軒宮少采襍穠於周除至其周流霄霓  
晃朗埏埴載暈蝕景鋪華割鮮流蘇銜璧散采驚弦慘悽  
而咏邙詩嘹唳而謳陳篇若夫波冷秦關雲平蕤樹蟋蟀  
秋堂蘼蕪春路瑩墮梁塵蛛罥網露蕤蛻膏今夜已闌倚  
蹊蹊兮采何其烈缺霍索扶桑翕開秋流波靡霜委雪積  
炤散燦爛衝孔漏隙妖蠱失鮮鶴子慘白水錯交刀沙沈  
立戟趙壁睨筵越紉張壁於是曳漢宮之霞旂蹤長門之

玉鳥擊木末之素華接雲間之鍛剛洗盞稱觥娛樂今夕  
若遇寒栢宵征關山夜明清砧雜響哀笳競鳴雲暗慘而  
異色水次溲而無聲雖太陰之潛隔終脈脈而含情願素  
質之無虧心哀厲而彌貞是時濟陽江湛在側因進而歌  
日燎薰鑪兮坐沈露吹參差兮愁薄莫酌椒漿兮張綺筵  
折芳馨兮時一顧待得夜光圓紅顏已非故重日美人薄  
鬢飛雙蛾流盼容與橫文波明月入地星辰多別葉辭風  
早怊悵光如何帝迺顧景太息凝神斂魄官以執珪錫以  
連璧敬揖二子延爲上客

七夕賦

嚙螭邊亭覺夜殘別有悽情憶上蘭刁斗長河爛刀環曉  
月寒汝南鳴雞嘯不息天孫河鼓會應難夜深轆短霧重  
釵安排蚪螭而競渡擁鳩鵲而爭看七夕絡緯不堪聽薄

晚庭弄擁麗人玉條纔壓臂珠襖隱隨身黃塗上犀角朱  
醺入猩脣斜褶香鈿橫抽寶樹眉萼全新衫痕半故采縷  
雙縣金鍼竝誤蘭芝則斗帳空垂麗玉則箜篌微度披香  
漢殿辟惡魏宮夫容刻盤雲母迴風瓜名沈綠桃實浮紅  
龍子淮南之術鍼神洛浦之工雲幄棲魂昭陽轉燭歸風  
送遠之操落葉哀蟬之曲褰裾舞更長執扇裁逾薄枯碧  
淚干池灰弔黃姑於鈴索才人擣素小婦流黃君畱朔北  
妾住河陽秦川迴紋不用織蜀郡鳴弦無復張羞看竹葉  
怯對鴛鴦宿鬟掩鬢慵髻餘妝詎解于闐樂那來蘇合香  
管年漢使泛星查御帶銀河萬里沙豔誕安文石天吳箸  
絳紗沈約新詞何足道懷王舊製本堪誇懔懔愁人飄零  
鍛羽憤鼻恆穿牛衣待補冷逐號寒饑隨腐鼠丹沙無長  
命之期菊水豈延齡之主亦復悲牽烏夜之詞涕雪涼州



之舞吳質卧病鄒陽倦遊長卿不樂平子工愁風蕭蕭而  
撼戶杼輒輒而鳴秋玉鏡滅沒風雲阻脩關山則父子睽  
隔園柳則昆季離憂樹橘柚於淮北植芰荷於道周豈有  
意乎辛蓼復何傷乎鵲調曰百子池邊嫋柳新珊瑚作  
枕未全神蛺蝶穿爪辨鼃鼃貼領巾還問空閨裏紅顏餘  
幾人

元功垂範錄敘

元功垂範錄二卷吏部考功司郎中尹源進撰又續編一  
卷平原張永格撰蓋敘平南王尙可喜事推本家乘上徵  
國史援引比附不免褒獎過實然如篇中所載慶戰廣州  
則勇足致命矜全佛山則仁能愛人卻鄭成功橫海之師  
綴李定國鴟張之眾底定東粵帶礪開藩可謂功在社稷  
者哉漢祖推食許韓信以假王南陽奮績委彭寵以大郡

何則勢有重輕則取乎權變時有緩急惟高乎術略我  
世祖章皇帝天錫智勇率土歸心惟神也故能通天下之  
志惟幾也故能成天下之務平南以熊羆之任爲不貳之  
臣本非劉項爭衡之時遠邁漁陽突騎之助時無樛里三  
至之毀丕箸錢俶遷坐之誠故勳鉞乎金版義楸乎木冊  
封侯疏爵澤及偏裨佩紫懷黃施及孫子迨夫三桂首禍  
闖逆效尤將成唐室藩鎮之憂猝有七國反書之報然而  
同功一體能消英布之嫌隴底會師光昭竇融之節不吳  
不敖知天知人天王嘉吳芮之忠南粵無尉佗之僭泊乎  
芒星夜竇妖鳥晨飛佳城鬱鬱游魂首邱大樹茫茫疾風  
掩關百身之贖重錫 詔言十世之宥以勸能者鄉使龔  
位繼統之子不忘回首面內之思服勞王家世篤忠精庶  
使異姓侯表特美長沙隴西士人無愧李氏之信悖惑墮

其家聲私造淮南之謀妄受公孫之璽曾不崇朝而身膏  
乎礎鑽宮渚乎荆棘躬主無磐石之固信誓少大河之安  
傷矣猶賴前人之勳

聖朝不廢周勃支子續絳侯之封張敖尙主食寔內之邑  
蓋之如天容之如地德其厚焉刑其威焉是故無其實而  
喜其名者削無德而望其福者約無功而處其祿者辱禍  
必握賈子曰曩令樊鄴曹灌據數十城而王今雖以殘亡  
可也令信越之倫列爲徹侯而居雖至今存可也由此言  
之非三代之法則封建之勢不行非五等之規則臂指之  
效罕順大都偶國雖以平南餘澤而繼世悖亂難保其終  
易曰負且乘致寇至此之謂也

狼煙臺記

滄州州廨之東偏有古刹焉後爲狼煙臺建司命閣蓋宇

高臺籊浮雲而上馳漉池北流翼蘭泉而中注信左輔之  
勝地勃碣之間館也白露戒節黃參晦籊廣延朋儕偃榻  
于此飯璧百武時成虬形旋蟲十盤虛作梵響繞殿而北  
莓落畫塗危牆插穹疑復無路迺有甕闕雪然中開天風  
拂衣納陛循階陟級以上魂飛魄穢既登平臺廣約半畝  
東枕環堙獸角彌望西南俛平皋廛屋可數中構傑閣實  
爲神居羅幢繪雲芬樹凝碧膜拜之後朗讀古碣慨叢臺  
尙新而令尹遺碑姓氏磨滅矣複道西東交屬閣後陽祇  
蔽景從可九筵風聲水聲鳬景駒景波黑皺地沙僵斃人  
馮闌一窺目眩神悸亟命張席清譚娛心枯僧煮茗疆作  
解事時或縱目遠矚則有漕渠衽帶蒲颿高張迤邐而南  
隱約可辨西北有樓高正相值辰漢流其牖戶鐘簴架其  
之而昏星中而作響此焉竝處于是日旣西夕愴然忘疲

二三名流欲申彼雅游罄此極樂流水接軫飛鞚動塵揖  
望僊之高臺弔樂游之廢苑洵可以遺世絕俗長與物忤  
者與昔伯鸞窮士登北邙而寓情叔敬高才陟崇岡而貢  
慨知壽非金石當秋而易悲質異松柏經霜而先畏矧夫  
離羣鍛鄙聞弦輒驚銜索枯魚逢河便泣者哉良辰不居  
勝事非偶恐衣履一去遂同電謝故次而記之游者某某  
凡十五人時道光三年九月九日也

弔亡友臧木齋文

維年月日陽湖劉承寵謹再拜遣蒼頭某以冥鏹若干於  
滄州之西門外循波溯流雜沓焚燒告於亡友臧木齋曰  
九京夢夢天遂同滅蒼天高高爲德不卒生者何愛逝者  
胡害孰令吾子英華彫瘵涕泗盈袍漣瀾橫帆翳子之考  
拜經先生研精邃古式玉式金祖周宗漢詒訓是正幽讚

微言升堂入奧披榛廣衢闢雲縣照嘉惠後學令德來教  
史冊揚光仰止皞皞子幼失怙煢煢瞿瞿庭汨孝水案奉  
遺書人集於苑子將其茶手澤是保克世其家既有令才  
淹通文史發爲詞章彪炳淵富誇言樸學一夕可試困敦  
柔兆余始交君外家舊族通德之門見君廟志慕君之勤  
析疑問難式好靡殷箸雖之秋江水瀾瀾與君同舟秣陵  
直指清譚劇吟厥味斯旨後遂隔閼分裾散星余旣北首  
君亦南征燕雲漠漠粵權冥冥歲旅重光君舉于鄉振翼  
皇路將翔將翔與君執手歡喜無量何圖不弔哲人云亡  
凡我同氣痛迫中腸嗚呼哀哉哀哀慈母倚徙中閨慘慘  
葵室躑躅蘭閨翩翩弱息候門長懷朝露奄忽號痛奔摧  
庭木爲實叢雲爲頽嗚呼哀哉間子歸櫬晨夕戒途值余  
東遊薄辭一皇都執紼禮闕望風長吁昨夜夢子來就余

悲歡若平生。願。願。洩。洩。仿佛謂我懋勉。良圖言將南遷。後會無期。詔然而覺。雪涕如絲。今也。弔子靈兮。有知鳴。嗟哀哉。盈。盈。衛水。靈旛。是經逾汶。達濟。斗門。揚胎石。尤停。焮河。伯安程靈兮。不昧長。卽幽庭。烏。嗟哀哉。

申甫文

陽湖錢相初申甫

重修廣濟九龍王祠碑

代楊大令懋玖作

蓋聞右享之神。百惟澤物者。不祧不害之時。三斯報功者。獨茂故雲旗。迴薄無間。椒蘭之馨。樂舞婆娑。盛彼歲時之會。降監不遠。廟貌攸崇。昭告之儀。弗可缺已。宜陽縣治西。舊有九龍王祠。惟神克懋。靈司永通。元感崑山。銜耀或並。照乎古今。大海迴瀾。輒均潤於幽顯。久已書之銀筭。勒以穹碑。然或謂肇封之典。夙昧乎前聞。秩祀之隆。不詳於何。

代漣池寢稻雖遠協乎風人湘浦降神恐傳訛於騷客不知受命上元錫福茲土宏祠式闢卽神明永聚之鄉嘉霑因時實俎豆維歆之本逐清泠之耕父不使揚光起白石之波臣同焉灑潤用標懿號載烜明禋可弗疑報賽爲無因傳誌之多闕也又或謂遺文所列跡涉玄虛故老相傳論殊悠謬不知九閼螭捷尙見登天十丈蛟潛猶能舞壑矧乃飛騰有象風雨挾以驅馳變化無方雷霆走其精銳增雲祇尺木之階重淵有鳴鼓之應棄空馭氣何所不之金蟬翠綏仰止斯在又況溥春膏於儉歲表靈躅於故山醴泉有源石洞方啟欹逕屈曲忽如蟠蛇巉巖參差矗立奇鬼神光訝其合離陰森襲於毛髮仰流天澤不數神女之湫頻祐歲功有類彭仝之窟覈諸間見不少恢奇豈盡屬鄒衍之談天齊諧之誌怪乎廟之規模昔稱閎整多歷



年所漸亾舊觀丹青剝落粉墨眇昏崇垣就圯則輒臂零  
星雕甍欲傾則風日穿漏余職在守土愆然於心爰出奉  
金以倡紳士經始於某年月日於某月日訖功輪奐增美  
像設維新是役也輸金者廬至執事者鳬趨藉明靈之福  
蔭順民庶之豫懽尋以吉辰敬修清薦房仲榦非能變井  
端賴神庥祝右卿無俟暴身永資默祐既告厥成謹刊之  
石

汪先生文

陽湖汪岑孫

談鴻如詩敘

江南三月流鶯有聲桃萼亂飛曉夢初覺中有人焉觸目  
而喟掩卷以泣集有珂雪之豔命無金星之堅林光入窗  
時猶蓬頭無意捫石乃竟棘手絲絲乎其情眞泠泠乎其

音幽矣夫吾人直爲造物逆旅耳旣墮塵壤生有奇愁所  
當放滄浪之舟結歡傲之侶春風自來山水一碧觀我騶  
席驚呼神仙歌聲在空雲合巖白煙海千里盪此一珠如  
是終古詎知何世而此之不能是一誤也或者卷飛蓋拓  
輪翼揚雲肆摩華崖傾寫四海平滌六合逐白馬登青岱  
而上握元珠窮赤水之游松籟不歇空畱濤聲龍蛇欲飛  
乃擊銅瓦斯時也醺醇酒喚豪傑弔芳艸呼才人飛我猛  
氣振我奇采可謂壯哉而此之不能又一誤也若夫移橘  
柚於玄圃擷蘭蕙於泥滓炫璞玉於晉曠之前奏雲璈於  
宋簫之側固難以取貴矣而幽意餐鞠羣情化茅公好似  
龍我相眞馬此心殷殷敢呼負負漫動西河之泣慨沈北  
征之碑灰畱劫外之飛聲結巖下之響情在斯耳情在斯  
耳悲夫僕於鴻如二年以長龍賓獨拙蝸居久閒時陳羣

書稍一采撫性又疏懶輒至退縮敢冀傳焉惟是抱眞在中相與放眼浮生若蟻同此擾擾勾成今古不返滄閭問於何天則又涕洟請以詩老此僕許君君應許僕也爰綴鄙意以質之同志云

國朝常州駢體文錄卷第二十六目

菰米山房文十六首

陽湖蔣學沂小松

空同山銘

空同山雷聲峰贊

七哀詩敘

西行紀游詩敘

送徐枳邨歸沈陽敘

吳巢松詩集敘

永愁集詩敘

龍門秋禊敘

陸祁生伊闕訪碑集敘

感春詩冊敘

致周竹雲書

與楊蓉裳農部書

擬庾開府集貞陽侯世子婦荅世子書

游徐園記

莊母于太恭人墓誌

潔齋孫先生墓誌

國朝常州駢體文錄卷第二十六目

國朝常州駢體文錄卷第二十六

菰米山房文

陽湖蔣學沂小松

空同山銘

空同山者蓋隴右之名區靈仙之窟宅觀其增巒萬狀表  
千仞之崇仄經百重靡一尺之坦朝夕詭變陰陞互宣日  
月之所蔽虧風霆之所激盪元岡纍纍倚青氣以往來巨  
石巖巖瞻神光之離合方斯靈境華宗竝奇殫厥異觀崧  
高競秀是以征僑隸止偃佺棲息餐白雲以駐顏引玄鶴  
而待馭頻矚下界咸行鏡中高躋陰厓遂達天表昔者江  
淹挾藻有廬山之詩孫綽好游爲天台之賦余旣樂尋幽  
亦慕至道謹緣斯義爰作銘曰

盤紆鎮地巖崕極天石關直上鐵瑣斜連絕壁橫雲官厓

積雪踏險眩目乘危結舌岸欹獅伏逕仄蛇蟠飛星耀景  
回風盪寒霞采流丹烟光浴碧靈艸一叢長松百尺領名  
觀日峰號間雷經臧僧院弈置仙臺招鶴畱堂潛龜有洞  
橋落長虹岩飛綵鳳地崇南北境闢東西紫芝疊澗綠蘿  
夾蹊琳宇旣闕梵宮斯敞月殿香微雩堂鏡朗棲眞靈園  
戢景安期法鼓示警禪關叩奇煦谷長春重巒易曙鳥忽  
見嘯樹猶人語

空同山雷聲峰贊

老樹劈檻危厓積臺雲景浴日風聲驚雷闌千百尋鐵瑣  
千丈長松九九激此奇響怪石欲落頽峰忽連跬步岡地  
舉頭卽天紆行蕩魂仄立竦魄仰餐丹霞頻引玄鶴

七哀詩敘

歲次昭陽星流大火金商促節秋聲感人值小病之甫痊

悼夏會之永隔張儉則無家作客相如則倦遊欲還遠子  
夏色養之辰乏昌黎送窮之作於是楚騷幽怨半是寫其  
離思秦音激揚誰與歌其同調嗟夫流光鼎鼎悲逝者之  
如斯宙合茫茫念此身之何寄又況入夢而見元伯親若  
平生聞笛而悼嵇康地由接近過謝家之故館則宿艸已  
荒登鄭氏之講堂則遺經猶在以是云哀哀可知矣時則  
日景欲沒雲光甫沈鳥焚其巢爰戢戢而投樹蛩鳴於壁  
更唧唧而助吟秉燭以遊命駕以出白楊蔚其合抱黃塵  
而盈野命運乖乎窮途憂思萃於夜半於乎以陸機之  
嘆逝胥屬親知有劉惔之感亡率皆師友鄰雞號而將曙  
松濤咽而成響蒼穹盤盤誰云豐隆可叩渤海浩浩從知  
徐福不同計其終始述其言行繫以數語哀此七人受業  
師翰林編脩武進張惠言皋聞舅氏辛丑科進士廣西荔



蒲知縣陽湖楊倫西禾庚申副貢生武進錢瀛斯持美壬  
戌庶吉士仁和金式玉朗甫江陰縣學生金華卿旭樓宛  
平縣學生徐世楠馥岑國子監生山陰楊紹垣子厚

西行記游詩敘

嘉慶戊辰二月余自西安赴平涼道途況瘁憂思煩劇鈴  
聲搖夢車塵蕩魂蟣蝨落乎衣紵泥灰垢其顏面晨發披  
霧宵馳燭星尺地潛伏仄如雞棲崇朝沍寒畏猶凍雀作  
息侶夫輿臺飲食鄰於牛馬計程咸陽涉歷邠土民俗淳  
樸疑仍古皇田原背分條忽高下積土若衛累逾城垣居  
人復陶旅處於上巉厓傾臨閒值平曠或又劓裂跨越丈  
尋車行其顛欹側甫過屹視仄徑語聲時聞羣峰共天景  
態詭幻斲木奇鬼橫來攫人溪沙文麟刻削石齒沃泉涌  
穴厥形修蛇踰坡湧川窈汨左右棗棘千萬植隄成林方

春迫花幹葉抽苗復有古寺構基遙山梯階卅層攝衣斯  
及牟尼廣大危龕化身就石狀形窮測靈妙更去百里遂  
登涇原遲日煦和風土亦異禽鳥鵲果集翔嚶鳴旭雲叢  
天襯綴紅紫馮軾遐矚輪蹕盤盤頽仰善懷諭趣哦詠周  
是省識道途攷覈方物證之所見悉著于詩爰多失意之  
詞聊比傷心之賦況乎栖皇遠適羈旅無歸芳蕙遽捐飄  
萍易換朔星辰而失路望蓬萊以引風殞涕何從哀歌有  
託勞人自致其情讀者應逆其志云爾

送徐枳邨歸沈陽敘

夏敘倏至芳艸亦嘉重雲閣陰互閒寒燠宵短妨寐雨霖  
蕩魂沈痾百煩蟄坐千慮斗室索伏爰思友朋金生不同  
舟樹陸子已去文因念足下適又欲歸爲歡靡時維繫罔術  
積憂咄咄如何能言足下居隸沈陽遠謫吾土靈均屬稟

被讒同官賈誼抱才少作遷客益所遭際莫非逆遭然子  
之來亦旣三載中下多士悉皆與還旅處等夫室家知交  
邇於親故朋酒之座胥昵笑談列書之肆爭測嗜好研籍  
初暇輒謀清游更攜扁舟載訪儔侶惟興所至聿忘晨昏  
或畱浹旬以極親愛則又窮欣娛之致鮮寂寥之虞者矣  
自我識君忽忽離合物候爰換人事閒之剗傾思忱僅此  
旦夕然而神氣不隔肺肝遽呈精誠浹孚無逾骨肉訪舊  
謝家之館沈飲黃公之壚數過迨曉鑒光於列星偕行以  
宵擢景於明月濡討祕義考商遺經一詩甫成恆走臧獲  
抽紙兀兀苦吟疾書體觀飛潛品角動植性又跳佚時而  
相嘲齋居桓桓備樂煩仰嗟哉嗟哉今子往矣濟流棹短  
馳車轂殷涉歷起居凡自珍攝至里有日仍貽我械聞防  
疾疢勤視經史勞瘁耕作譙樂節辰進中壘以授經慕老

萊而披綵無炫於取以完其真勿營於紛以衛其道籌策  
身後善葆令名辱當暱知用是箴助至如契闊之感瞻望  
之懷則夫頌河梁而疚心悵文通之賦別僕與足下均所  
難已百歲具在尙存見期努力勉旃無爲悒悒

吳巢松詩集敘

夫聆五英六莖之奏則雅音弗尙笙簧度千門萬戶之規  
則巨室非營根臬纂組異製文章比於七襄雲霞舒彩詭  
變紛其萬態溯蒙莊之海潛沲隘於蹢躅談鄒衍之天荆  
岱卑於塊阜葢氣盛者則言長才多者則詞富苟非振奇  
之士難語鉅麗之觀巢松庶常星斗羅胸珠璣入手赤文  
寤篆采豪授粵胥山朝翠濯此幽紵湓浦春流寫其詞藻  
摯鳥集偶長離矯其雙翻灌木叢植豫章榦於一枝鯉庭  
從宦蠻煙瘴雨之鄉虎帳論兵細柳長楊之賦檣颺朔浪

叱江鼉而欲駕刁斗警露和收馬之共吟凡壯遊之所經  
悉緣情而有作更復徐抽妙緒善引言泉歌屈原之雄虺  
辯王筠之雌霓秦箏燕筑悲涼懷古之場錦瑟瑤琴惆悵  
銷魂之地蘭若蒺藜翠禽說其嚶鳴溟渤波濺長鯨暴其  
鬣爪則集之所由名也至如東閣尊罍南樓風月蘭亭勝  
侶桂苑名流奮衣揖客之門躡履樂賢之館看花千里命  
酒十旬抽豪而風雨俱飛擊盃則瓊瑰亂落或訪戴而命  
棹亦報李以裁箋洵乎極譙笑之娛備賓從之盛者矣若  
其吐納羣雅淹貫三倉河漢遷雲輿臺屈宋好古探龍威  
之祕談立折鹿角之經賦駭成而研焚書傳鈔而紙貴價  
索盧郎之米聲流孫綽之金庾信文工陳琳筆健則又外  
集之作也夫出處不齊顯晦靡定上蘇秦之十書艱羅隱  
於一第未親著作之廷終遜離和之美而君方蜚英鼉賈

應詔嚴徐補鴻都虎觀之遺校金匱石渠之作固足羽儀  
大雅黼黻承明恢厥奇材矜其鉅製學沂孔李通家沈任  
知友落芩合氣松柏說心屬授簡於長卿推定文於正禮  
思遲魚鬣技媿蟲雕名山絕業待附騏驥之軒鈞天廣樂  
同和鳳鸞之曲

永愁集詩敘

懿夫優曇耀采園林之桃李非妍篤耨舒芬舞鼎之檀栾  
謝烈琅函瓊笈啟瑤圖之名籤寶軸金箱敘玉臺之新咏  
蟠蟠小篆叢飄夾蜨之灰碎碎飛笏細疊鴛鴦之錦鵲何  
聲而不怨雁有侶以無家片羽長畱遺編未泯則有婉陵  
舊侶昆閭仙妹鐫芍藥之芳名墮芙蓉之小劫早歲辭鄉  
伶俜隻景閒關從鼻涕泗千行值羈旅之端憂念韶華之  
易逝拂匳春月秀發蛾眉入畫遙山巧圍雅髻胡天胡帝

回風襲乎雙裾傾國傾城豔雪窺其一笑加以明姿月朗  
逸思霞騫夙擅詞章妙嫺音律金徽流韻七弦鳳尾之琴  
玉宇緘愁百幅烏絲之紙看花春其千樹紅羅聽雨宵深  
一鐙青冷雀鈿鸞鏡都無自遣之時螺墨蛻脂悉是傷生  
之具況乎鄰女工讒鳩媒遙妬韓童擬配鳳侶難諧乖願  
而慕文開臨病而呼阿嬰心抽艸結嘵濺蘭露之痕骨瘦  
桃寒香繞梨雲之夢紅鸚悵曉白雁驚秋華采未凋芳馨  
遽謝於乎離塵遠去隔世長愁紫宮豈行樂之方青冢卽  
羅憂之地仙游蓬島莫輓靈輶鬼唱蒿墳尙傳佳句感湘  
妃之絕調詠謝女之遺芬是知丹雲終古長畱塵玉之區  
紅淚成斑詎掩生金之字錄茲篇什珍以紉緼待證卮言  
永摹粉本

龍門秋禊敘

去城南三十里而近是爲龍門其地也一逕導碧雙厓削  
青增巒濯月下臨長川飛閣縣雲上瞰絕壁岸石犖确拾  
級始升危亭半竦奇境斯闢循途以入琳宮載崇步檐四  
周複道纚屬龕象繪佛牟尼萬千丈六現身四八全相穹  
碑數仞陵跨霄漢風雨靈祕蛟螭夜蟠空谷砑響疑聞晨  
鐘積翠一林亂落衣袂際其地者離然有結廬之想遺世  
之思焉齊北瀛太守以放衙餘閒招集勝侶徒御旣屏尊  
楹互攜捫綠蘿以坐幽梯紅霞而墮景長風浩浩譜爲琴  
弦流泉淙淙碎閒笙玉陟仙人之宦窅疏煩想於心胸時  
則炎暑已闌秋氣乍爽黃葉滿樹霜禽自鳴果落杖前花  
生屐底苔痕當檻新陰淦乎客衣蛩吟塞門細韻流爲僧  
鐸登高以眺窗軒洞開垣牆及身陡視百尺伊洛揭淺褰  
裳而可從香山對距抗手而欲徃棗騎者望之如燕結漁



者比之於漚陂唐高低防密盤互吟賞遽愜衿懷是抒坐  
席屢移羽觴再列破曙以出炳燭甫還洵哉樂賓朋之極  
致窮昕夕而忘疲者矣夫蘭亭作敘夙聞暮春曲水名篇  
競傳上已古今或異類仰皆同是知勝事可傳不殊於往  
哲閒情所寄無閒於四時辱當授簡敢謝無文舊藻靈區  
以貽來者

陸祁生伊闕訪碑集敘

癸酉之歲與祁生偕客洛陽祁生以近作伊闕訪碑集屬  
敘於余久之未有應也日月云邁客心已驚補春餘之墜  
歡尋勝遊之陳迹謝傳行樂多感盛年楊雄作賦遂減玄  
思覺塵事之徒勞恐山靈之騰笑會當錄別重責踐言昔  
者杜陵得句有高適之同賡敬禮爲文待陳思而始定片  
語之獲厚愛於妻孥一字之更挾精於肝肺篇章之道蓋

有難焉若其放懷崇尚寓意曠渺典麗有則咸歸大雅旨趣所約或多微詞出塞浮雲蘇武贈友之什入幃涼月秦嘉寄婦之詞其或攷典午之遺址惆悵尋春問拓跋之離宮從容弔古香山盤鬱風雨挾其恢奇洛川洄洑雲霞供其結納是知孫興公之夢想每在山游陸士衡之才藻能承世德者矣至若余與祁生之論交也舊昏新特嫺居盧李之間阿大中郎友在紀羣之列訪蓬門而識巷犬亦銜衣坐竹邇以哦箋雞來嚙履入龐公之室禮忘其主賓登周瑜之堂恩均於骨肉左思弱女間剝啄而呼名李善蒼頭具餽餽而饋食於以備徃還之樂極嬉娛之致焉同舟淮浦接軫京華波濤負檻衣擊戢而橫蛟風雨打窗卷堆牀而裏蠹南皮之飲無季重而不歡東田之會有靈運而始暢一編爭構四座詫觀傳觴而脂粉交飛刻燭則珠璣

亂落此一時也簡篇之雋有逾規知金石之好不殊性命  
雲雷紋細時攜商父之尊星斗世寒春照秦宮之鏡偕徐  
生星伯之好古挹呂子南華之清標危竈廣大測變相於牟尼  
巉岩險巖摩穹碑於岫嶺健關身輕天非梯而可上禪參  
腳巖石有洞以堪趺此又一時也長吟詩卷歷序生平龍  
門在望鬱渺渺之予懷驪歌載途愴蕭蕭之行李他日踐  
重來之約陟伊闕之顛庶幾神仙晝接探采氣於丹厓蛟  
螭夜蟠燦靈光於綠字云爾

感春詩冊敘

感春詩一冊爲男女相說之詞唱和作也余讀其詩哀逸  
明慧清婉幽楚道蘊婉其才高辭濤同其命蹇萍何因而  
隨水絮有時而咎風是知成都女妓偏解長吟邯鄲姬人  
竟憐失路者矣更若孫壽善粧衛姜巧笑誇細腰於楚國

賦輕軀於宓妃鶴髻梳出彼姝訝其迥仙娥眉畫成眾女  
窺而遙妬含詞意以授色窮曼治而蕩魂下蔡遂迷高唐  
屢夢時則某君停東昌之駕采北墅之春丹忱甫申絮語  
遽洽效棲禽之竝命矢蘭蠶之同功韻險偕吟春冷互惜  
墨暈粘裘酒痕滌衣情將期於百年綠俊淹於一旦蓋水  
能知向端不昧於其歸月方待圓又別澂夫所鑒也未幾  
而文通賦別相如倦遊鼓離鸞而調悲送南鴻以日遠腸  
同行輒心搖去旌撫景以追餘歡停觴而思往事冷香圍  
座況當善懷之辰飛英積窗又值泥人之際於是抽簪畫  
黛啟鏡理顏怨玉笛之韻淒悼金釭之夜永絃煥測樹雨  
絲聽鶯花數寸紅山集千碧濡毫耽咏然脂捷書流波遞  
愁朶雲緘遠此感春和韻詩所由寄也夫明星何夕悵邇  
逅之不逢瑤艸徒芳慨殷勤之莫致靈鳥愛羽適羈樊籠

馬二十一  
孤花託根又在下澤宜乎龍猶出骨假樂府以名篇誰自  
高飛比庶人而不樂也嗟乎倘非商隱誰著錦瑟之詩必  
緣孝穆始編玉臺之體詩先後所寄凡七律十首和繼者  
若干人而陽湖蔣學沂爲之敘

致周竹雲書

睽侍旬餘淹忽若歲良會罕覯端憂渺歡同風震其前楹  
斜日薄於西牖晝景旣匿絲星曜昏起視中庭頽鑒形景  
鄰歌入耳淒揚激哀林木震聲聞以蕭瑟院北數武頽垣  
外傾輒磔盈積曠地餘畝老樹三四根株盡欹爰方早春  
半茁萌蘖童山遙望晦姓互殊宿霧蔽陰倏忽莫辨登臨  
眺覽悄焉以悲因念足下闊隔已久元暉東田之游季仲  
南皮之會嘉客連茵豪氣溢坐我固跳盪君尤談諧羽觴  
再飛亂雜坐次裂響鐵笛其鳴鳴鳴月明韜天灑射光采

良夜初靜長空寂寥僕從無人虛堂疑鬼酣沈百熱檐鐙  
始行跬步蹶顛舉動錯失愉樂靡極信誓久要方期百年  
共保晨算何意遠別遽成參商朔陽促移頓易斯境足下  
方揮霍百家馳驅八極耕耘經史脂粉簡編洵足以奮袂  
藝林掉鞅文園學沂精力短弱賦才凡庸辟如遺風疾騁  
踰越千里驚馬十舍兼旬及之坐此不逮足下百空同名  
區近隸平邑增厓擢秀靈僊所都經翠疊谿廻青台澗行  
將效靈運之逸興訪廣成之高軒餐飲白雲招引玄鶴願  
與足下證成素志息棲駐顏榮華浮名適以自累勿役神  
於窮通毋紛慮於得失勉稽毛羽保衛盛年搏攝起居謹  
慎言語把晤無期遇之夢寐

與楊蓉裳農部書

昔仲舉早歲辭勤察其不凡季偉失學郭太嘉其至行品

題良幸盼睐增榮是以啞鐘待斂不諧瓦缶之鳴焦琴入座自協宮商之律玄豹韜霧潤七日之衣皮袖鸞舞風應八方之節奏相得益契有感斯神敬惟閣下嬋雅羣才沈浸百氏定孫通絲絃之儀授伯起華陰之學不圖末技遽奏清塵陋同王粲獲賞中郎敏異孔融見稱元禮許長離之高騫愛其毛羽閔雜縣之失所警以鼓鐘泥首無因鏤膺曷極頃者文鱗剖素繡段貽珍詞旨淵深文章瑰麗霓裳三拍聆風水於笙簧雲錦七襄錯星辰於機杼壁龍縱橫斜行十級溟鵬變化上扶九垓未足方厥奇觀辟茲異采洵矣哉窮窺五千之書允壽百三之集者矣而迺孫楚作賦先示范宗陳思定文必推正禮荅李邕以裁牋屬鍾令而定藁馳思千里結契寸心遠渭可涉象於晨星長安在望等諸朝日德音眷注魂夢徊徨敢獻邱言以資大噓

慨自徐庾以來王駱遞降世代屢易風裁益乖時尚之習  
拘於淺近方隅之士囿於聞見流俗既涉於迂疏好古則  
謂爲背謬謂儒林之傳可廢斥科目而外無文此一蔽也  
羅采怪僻侈引神異張溫則詡其問天蒙莊且矜其測海  
叶楊子之方言造庾持之奇字高語太嶽累基不階於尺  
寸廣談河曲導源罕究其指歸侮龍蟲之罔聽欺鼓獸之  
全旨此一蔽也誹謗前輩詆訶作者逞盛氣之聲華溢汪  
洋於楮墨才竭劉表思炫子布之明經味虞翻偏舉康成  
之謬畫烏之迹不難糾正僞體猶龍之語直欲強入異端  
此一蔽也今之才子動嬰數病大雅扶輪名山絕業非閤  
下誰屬哉仲春令序伏祈履候綏和起居迪吉林花招客  
時憶勝遊緬想清微臨書延佇

擬庾開府集貞陽侯世子婦荅世子書



馬二十一  
會城風雨縉素遙通荷芳訊之殷勤結深情而縵縵相思  
遠道值楊柳之懷人節序涼秋辱蕭蘭於君子翻書兀坐  
益復無聊初月縈愁絲花助豔夢中刁蛭尙作雙飛鏡裏  
栖鶯居然隻景無詩非玉有淚皆珠所願葆此華年俟之  
異日則尋梁海燕不虛重到之期就箔春蠶永結同功之  
縷新寒增劇珍重萬分簡札不詳悉之意外

游徐園記

簪雍紀歲月維厲皋小淵明府以放衙餘閒選茲勝日載  
約儔侶讌於徐園其地也背城後市沿隄枕岡圃拓百弓  
堵集五版茅亭面南密葉交蔭窗牖不設遮之回廊松杉  
四圍聲韵風雨牆缺半角遙山補青雲氣升降凝落檻外  
登亭以眺則堂紀互伏田原下低巒枝接平衣衿鳥語窺  
其斗拱紅藥敷萼搖風景餘殘英亂飛堆襍榆莢古榦綴

蕊紛披遠香循徑而東爰闢精舍修竹十百叢生階除碧  
陰沈沈几席皆爽陶潛之楹無人不攜孔融之尊有酒皆  
滿時復靈囀沈采望舒羅空華苒旣張卜之以夜則又酣  
嬉窮於日夕旅處忘其岑寂者矣嗟嗟盛事幾何芳筵不  
再古今俄頃悟指於無生形骸枯槁味言於徃哲非金石  
之質百年何以固存等蒲柳之姿四序能無凋謝此竹林  
高會步兵累隱於狂蘭亭勝遊右軍夙增其慨也聊因幽  
賞爲繫數言庶幾壺觴之詠遠繼夫前蹤笑語之歡猶存  
爲故蹟焉耳

莊母于太恭人墓誌

代

太恭人姓于氏金壇著族也祖漢翔禮部郎中考崇廩貢  
生贈直隸唐縣知縣廷尉之門勳名延於數世賓資之族  
文武寄於一家太恭人幼秉令淑動合儀則德容教於公

宮潔清閒之師氏年二十五歸故扶風縣知縣莊公諱秉中爲繼室結縭伊始疾言無聞解組旣還食貧是旨娛老之饌調以滑甘知子之來勞其環珎尊章樂乎婦順同室無閒人言越二年扶風公以疾卒元配楊太恭人有遺孤名敏來年甫十二仙尹違世悵遺舄之遽飛嫋嫋叩心訝嚴城之忽墮元瑜惇獨之婦任防流離之孤斷織杼空推珠匳盡門無絮酒之賓巷易烏衣之主太恭人於是依於外家庇其內政孟堅之庭大家歸而續史文宣之慢羣從侍其談經撫姪于時兆如子追時兆成進士任直隸臺城縣知縣擢知延慶州迎養太恭人于官所而敏來已前卒孫振因族之仕于京師者遇奉其母張恭人居於北平中朝之望嫺姪戚推東征之篇婦姑並賦是則李變成立終藉文姬江綈令間尤資大母泣賜研於塵函課遺書於故

篋乾隆癸巳年太恭人守節四十二載請旌於

朝復以時兆不忘太恭人之教遵例

賜封宜人綽楔斯陵聚綸在躬彤筆紀爲美談輅車式其  
令問已而振授陝西省簿尉之職奉檄入關安輿就養節  
令伯之官方訪翁歸之舊政東平小君詎衰視聽隴國命  
婦宜登期頤玉瀝未開瑤華旋掩乾隆己酉年四月十二  
日卒於西安省寓享壽八十有五子一人卽敏來孫三人  
長卽振次景福岳保先太恭人卒振由西安司獄特擢韓  
城縣知縣遷乾州知州援例以知府卽用例贈恭人愍祭  
之恩銘之輦帶報劉之祀豐於列鼎而振從事軍行勤職  
鮮暇始以嘉慶九年十二月二十九日歸葬太恭人於豐  
西鄉之原以歷年久卜兆去扶風公冢數尺慎也烏乎哀  
哉魂兮歸只耐也離之反葬成仁異窆從禮懷寒泉而增

痛愴秋霜之遽零通敏於太恭人爲功服從子負嚴憲忍辱之誠思皇甫帶經之箴元龜告辰文珉啟兆陵岡返壤庶方宋伯姬之幽垌日弇高春無采魯季姜之封樹

潔齋孫先生墓誌

先生姓孫氏諱念劬號潔齋先世自明季居杭州之錢唐康熙乙卯遷於武進遂家焉昔在列國本武子之緒也洎於後漢則桓王之烈矣陽秋博學馳譽於晉忠貞奮武作衛於唐曾祖鳳儀祖潮考大松夙有隱德載誕間人叔向之族嗣續傲於一枝大邱之門仁讓延於四世先生生五歲而母氏早卒祭祀以禮誼等於成人哭泣盡哀悲均於孺子皎皎升巖之月泠泠在林之飄投任延之學已號聖童通田何之經遂成博士尋補學官弟子旣勤下帷屢躋上第休李無實孤鶚不芬金溢於就披玉遺於待剖時論

惜焉至若樂善不倦潔脩自高好義以忘其身崇讓以名其宅懍事神如在之戒而至敬格於幽明敦交友必信之誠而善誘出之和煦慕管寧之介而見金之取與必嚴聞王烈之名而盜布者御閭知愧則先生之行也饘粥有訓疏食可甘衣屢由之緼袍御蔣欽之縹被行儉以示子孫永慕而思父母時 詔舉孝廉方正校官以先生應卒辭之至行可嘉令伯列名於州辟徵書已逮王哀辭召平公車則先生之志也幼禮釋氏亦研佛書魚山聆唱返初地之空明鹿苑游心契真如於寂滅方耽淨業證道於牟尼忽隕少微兆凶於處士瑤華既摧玉棺遽下以嘉慶十七年某月日卒於里第年七十有一配某孺人先卒子四人長珩縣學生次桂甲次閏璋次守道孫一德懷女子子三人嗚呼哀哉劉長生之室維頌德之可風郭有道之碑斯

立言之不媿學沂等彥昇之無文信畢萬之必大植表景  
行伐石鐫詞茲以某年月日葬於某鄉某原嗚呼陵谷變  
易勿薄於九泉風雨飄搖崇封於四尺森行樹槨同招化  
鶴之魂禁絕采薪遠去展禽之墓

國朝常州駢體文錄卷第二十七目

鬢雲軒文八首 武進汪士進逸雲

秋堂讀書圖敘

送陸蓉卿之山左敘

與徐子陵書

與吳篴江書

與周叔徵書

與繆元奩書

與費耕亭書

游莫愁湖記

讀秋水齋文五首 陽湖陸徽恩亞章

雲臺二十八將敘贊

游郭家池記



同年生洪君芝齡誄

呂母譚太孺人哀讚

孝廉汪君墓銘

國朝常州駢體文錄卷第二十七目

國朝常州駢體文錄卷第二十七

鬢雲軒文

武進汪士進逸雲

秋堂讀書圖敘

原夫不學將落閤父因之致譏撫華不實揚雄所由深疾  
六籍則未嘗開卷三史則皆同挂壁是猶迷途失偶深夜  
徹燭綺紈弱冠未適雲閣之聲保殘守缺不免樵夫之笑  
揆其腆默厥有由已怡情一卷之閒放懷六合之外凝思  
半榻之地縱觀千載之上自非深識收其視聽高詣邁於  
等倫烏覩所爲研微鑽堅而無風塵之志者乎負重道遠  
綆短汲深頗有浮生之嗟不無嗜古之癖汲郡孔堂邃博  
斯渺七略九流質疑僅存肇茲妙賞實兼眾善凡厥遐悟  
可得詳焉彼夫里閭之士平居徵逐宴談隔於俄頃閭巷

限于尺咫既接膝而靡自信披衷而未由則有史策所傳  
銘誅所述音容寫其古謨泣發其情曠百世而相知歷千  
祀而如晤延古歡於今帙寄新賞於陳編其樂一也若夫  
中朝儀制開國典經繇蕞之禮罕識於鯁生封禪之文未  
詳於里塾則有南宮故事甘泉舊章執青簡而議成均披  
黃圖而稽鹵簿擴委巷之見聞纘天家之掌故其樂一也  
若乃暢情川嶺結念昇陟攀綠蘿於遙岑掇紅英於古澗  
至於三山清淺風颿無以陵其隈五嶽迢遙章亥不能窮  
其步則有方輿可按名勝可徵員嶠千仞廼登諸几巨淵  
萬派若指諸掌披文臨翫爰遂卧遊赤城之霞映於樞軒  
香鑪之瀑飛於睂睫其樂一也又若石言神降事歸荒幻  
墳羊岡象跡涉倂詭舉夫構形莫似結想未經則有張華  
博物之書千寶校神之記怪詞枘說咸萃曩編遺聞是拾

奚啻蜃海之觀齊諧有續如聆鈞天之奏其樂一也羣賞  
既備取悟無方更在心期得超象表當夫春庭方啟碧陰  
四周清飈忽來微雨初洗鉛槧未輟時聞妙香禽鳥之韻  
閒以吟嘯艸痕縈帶康成校經之時柳色盈門淵明讀書  
之所此又一樂也至若秋宇澹寂朋儕鮮過華月照于方  
池涼雲凝于高樹埽葉半徑擁書一牀開編而歌響輒太  
空掩卷而思心寄玄默此又一樂也嗟乎寒暑之運涉之  
者幾時金石之堅保之者幾日長繩不能繫搏桑之景駿  
足不能躡陽谷之塵而又疾苦攻其內憂勞閒其外稻粱  
急於弦誦羈旅廢其謳吟半生已逝來日大難身名零落  
將同秋艸可不懼哉況乎文榮笙簧義深淵海窮歲累日  
僅能歷其藩忒饋輟寢卒難通其意或期弋獲終致多岐  
爰繪是圖并爲之敘庶幾逝者如斯雖同宣尼之慨分陰

馬二十一  
當惜彌懷士行之風云爾

送陸蓉卿之山左敘

蓋聞寒邪利穎龍泉終閤其縫寶琬獻彩和氏猶懷其璞  
是以礪俗摩鈍志士之所期砥節守貞哲人之所蹈水滿  
則器傾載重則車覆僕之驚下常膺此言若夫醉臥當壚  
之側裸體青林之中此達士之高懷非僕所仰望也足下  
以跡弛之才負里閭之譽爾雲神駿赤汗珠流側海飛鷹  
玄禽星落揆藻驅古摘華鑠今庶無媿於高詠亦何慚於  
作者而乃蹤跡乖疏誕佚成好園無仲蔚之蒿坐類灌夫  
之罵嗣宗之哭非爲窮途楊朱之泣不因歧路雖曰曠迹  
有異恒趨邇者騰翮再鍛驥足方繫敝車羸策乃爲東遊  
登琅邪之臺紀之罍之石飲酌突之清泉慕魯連之高節  
信足延茲縱眺盪此心顏然而迴湍急駛終解恬鱗長鯨

撼樹遂多驚翼江湖歲晚風雪衣單老母有倚閭之望少  
婦有織錦之歎此則思故鄉之敝綉定有奇溫念高堂之  
菽水猶慚一飽青袍已晚未許狂歌短簫纔放能無痛哭  
願足下深惟令伯陳情之詞遠追韋母授業之義無效劉  
伶荷鍤之風庶懍陶侃分陰之戒韜其神鐔斂其英鋒勸  
以明德持以令名方將高揖金張之門翔步鵷鸞之列如  
足下者又豈僕所能測哉落葉滿郊明月千里足下行矣  
勉思僕言

與徐子陵書

子陵足下雨霖不止將成淫霖冀得姓朗一洒煩積晨林  
潛悴繁霜鬱飛若遇朔風必得大雪伏惟餐食自衛幸甚  
幸甚益聞夜光之璧不混於珉破純鉤之劍終逾于箇籜  
蜚翟片羽足爲世珍騏驎一毛已賞神駿然而瓦缶齊奏

則管磬息響組繡亂視則綺素闕采蟬翼重於干鈞陽春  
屈於下里憤憤如是曷足多怪僕文質淺陋無可稱述顧  
與世背繆其病有五急性狹中馮意所造便欲成構其失  
一也禮節疏闊世故之法百不當一其失二也賓友晤雜  
非其故人不交一言其失三也放言縱論少可多怪其失  
四也著述之旨旣非其材鉛槧之技竊有微尚而甫一握  
管萬感盈集愁苦之言世所不好其失五也深自抑遏終  
與性成以是獲戾如何如何年少多病鮮涉經業意嘗恨  
之人生上壽不過百歲二十以上轉睫已逝七十以下羸  
弱乃甚日月可恃不過數十寒暑而又死喪疾苦男女飲  
食山川仕宦憂勞宴樂俱在其中讀書之日不過十年此  
正足下與僕努力時也足下年二十有一僕差長一歲足  
下飲可一斗僕亦食可數升志氣方盛交游宜廣笙簧六

籍漁獵百家博古之力正在今日過此以往服官隸政高  
冠如箕非以市榮長劒倚天非以結客無盜虛聲致束高  
庋當及素衣未化歸田自娛負郭二頃時話農桑家有臧  
書親課子姪其或深林寂壑有所交識風雪盈路輕驅到  
門僕從數人采芹剝棗此一樂也又南州山水所鍾金陵  
錢唐數日可至大江噴湧長風接波羣巒轉翠夕鳥鳴澗  
平生遊歷作爲敘記間一披對以當卧遊亦一樂也斥鴳  
鼓翼迺思翔雲行潦細流所望歸海比類而推復何以異  
足下抱不羈之才負嶺嵒之望雲燦霞蒸斧仁藻義若冰  
雪爲抱無媿古人足下舍僕將安其之芟輯之暇得賜清  
宴僕雖無孟公投轄之風竊附仲舉縣榻之義遠惟昭簪  
無曠心期士進白

與吳遂江書



蓋聞豐山之鐘陵秋發響合浦之珠不脛而會僕與足下  
比屋而處僅隔一垣足下故不知僕僕亦不知足下也比  
年以來稍稍知名執手一見便如故人莊生清邁陸郎疏  
曠時復過從遂訂簪紵結交不在久傾蓋如平生其信然  
歟僕素耿介落落寡合又天性不飲無所嗜好獨於篇籍  
時有寄懷晨夕染翰可當寢饋手寫殘帙委積盈几眼花  
耳熱動其生平欲歌欲泣至形寤寐則有默坐不樂乃發  
狂嘯悽風苦雨憂來填胸者焉至如纖雲淨翳疏星明滅  
林鮮驚翼座無雜賓興與古會辭必已出又復歌狂脫口  
響逸天半持節跳舞破涕成笑斯耳目之殊致亦哀樂之  
異趣也年逾二十志力方盛思及材質未謝歲月未盈竭  
其樗散之才盡其鉛槧之用又家業中落背郭無畝布穀  
催種已謀稻梁促織入室方事杼軸齋鹽之計日煩慈諉

衣食之給更累老父家君年五十有二矣東指桂林西遊  
竊斜幡然雙鬢不遑竄歲而僕生長閨闈出入里閭寒則  
御溫飢則思爨嬌寵已慣危苦未經及今少壯不自努力  
沒齒之恨何時可忘昔毛義奉檄喜動顏色令伯終養屢  
卻徵召如得粗具甘旨日問寢膳鐘鳴漏下親視寒煖春  
秋躋堂子婦羅拜時節酌醴杯盤雜陳酒必再巡肴以十  
數圍席而坐色笑忻忻率是以往一二十年今日之愆或  
者可蓋萬一僕以自勸亦以勉足下也白日西逝時不再  
來而良驥繫足但伏鹽車蒼鷹銜翮猶擊凡鳥升沈之感  
自昔已然俗流汶汶益用惋歎晨霜侵肌夕鴈悽唳情煩  
詞促不知所云

與周叔濺書

叔濺足下睽隔以後經冬涉春朋輩寥闊絕鮮音耗昨獲

良示如逢奇珍置之懷袖以當面覲時一披諷具悉蹤跡  
蓼莪之章古人所悲何期足下頓際茲尼儕舊均感摧肝  
喪氣三復斯語良足撫膺伏惟興居葆衛幸甚幸甚進自  
徂夏駕颿北來及今以計甫經旬月一過秦領再詣都下  
席不暇溫轍未及牽披月戴星幾涉萬里危峯閃閃忽挾  
雲逝車聲殷殷乃與石擊飛沙蔽野靡識晨盱嚴霜浹衣  
至疑肌骨東奔西走有類桃梗子雲守寂君山槁卧物色  
罕接復同棄瓠緇塵十丈時昧人目跛足道旁更負羈紲  
僦居禪宇冀得掩關孤榮榮彌苦岑闌寒鍾一鳴鄉夢  
欲墮短寐未就忽聞梵唄平時岸傲折減殆盡以此經世  
常慮不支如何如何索居寡歡差幸強飯稍有吟詠輒復  
銷燬深恐鬱伊益用獲戾天駟超踔終軼羣駕雷門拊鼓  
徹響九淵旋雲升霄倏轉一瞬侍在足下聊復自誕駒隙

電逝離懷鬱紆南雲北鴻無任傾溯

與繆元盒書

首夏清和忽枉歸騎思君若渴乃申良覲談宴未展載間  
驪譌進以臥疾未得祖道秋江渺渺姓雲往來神思與俱  
我懷彌結足下賦性洵篤華而能實如叔度汪洋之波有  
萬石醇謹之譽進於中表獨有神契總角之好未嘗去懷  
願以家鮮恆業遂爲遠遊弱冠以後行役未息我獨賢勞  
詩人所歎揆之足下亮符此情候燕西飛伯勞東去春風  
載道進將北行自惟數年以來舟經皖江車度函谷燕都  
輻輳之地亦已再至矣常懷仰由負米之誠媿無穎叔遺  
羹之雅思遂潘岳導輿之樂迄鮮毛義奉檄之喜南循蘭  
陔清露旣零北眺諶堂緜霜漸降反哺之志懷之十年拚  
飛上下有慙微羽每覽枯魚銜索幾何不蠹二親之壽忽

如過隙之語未嘗不流汗惶懼迴腸反側也重以志意伊鬱精力減耗同叔寶之體瘠等相如之病肺心神旣憊夜復不寐柔脆之質如何如何詞煩事誕將爲人嗤愚公移山下士大笑驪足可展龍性斯馴素心區區敢告足下而已猶憶丁丑之歲足下初抵豫章及今以計倏更七載匡廬五老如逢故人琵琶古亭重挹明月亦以見離合之故殊無定軌日月之速有若飛鳥壯盛之感足下將無同之煤巖已放積雪乍消未稔素居眠食奚似神山莫卽舊隴增悽塞鴻迴翔用遲瑤答

與費耕亭書

與足下別又三年矣前在京邸倉卒過從羈懷之忱未由晤寫南歸以來身疲過征江流東注來往飛越爰自去歲杜門罕出賈逵之舌聊得代耕以羊補牢卒鮮長策神志

惻怛如何可言自惟生平眷念曠曩就傳之所近接君舍  
春林望雲秋渚尋月奇文共賞疑義相晰一日不見遂如  
三秋維時朋輩爭好結客猖狂詩酒跌宕文醺進以最少  
得廁其閒鮑照驚挺王筠獨步私淑前賢差仿萬一切礪  
之下過承獎借每謂耆宿心折此人進亦不揣忘其輕脫  
便期通顯坐致青雲少年結習宛若在日何意今日頓失  
故懷衫痕似舊簫聲彌咽明珠投人輒逢按劍艸如青袍  
月如團扇年華駸駸倏屆三十涸轍之鮒焚林之鳥還顧  
儔侶同膺斯困念惟足下翱翔禁苑鷹揚河朔雄視漢南  
屈指以計有如霄壤驥尾可託終思騰驤蹇步林原卒致  
千里彈冠皇路振袂郊垌遂志顯揚版輿迎養足下視我  
其有之乎升沈無常憂樂多感更念足下少而失怙伯仲  
既寡羣從寥寥歲時享祀未有嗣續適于徃載重以悼亡

望廬入室良宜增愴匹夫之節自矢靡它春秋大義責之  
賢者敢請足下將何從焉京國風塵素衣變色所恃夙好  
用貢鄙誠楓林染赤便當北來握手爲期詞不宜悉

遊莫愁湖記

莫愁湖去冶城西南四五里秋氣微霽野曠無際旌雲滿  
郊曲水通港乃命儔侶爰呼短檝沿溪尋寺落葉知門松  
風振衣苑艸迷徑言陟波亭用愒塵躅水縈新碧山含遠  
青朱霞四圍綠湍千尺鄰光蕩壁涼烟欲流水氣侵裾空  
翠如織亭瞰波底人游鏡中楊柳盈抱無風而自搖荷葉  
滿叢棲香而入夢疑陰沈沈疑卽仙局靈森習習恍臨清  
漢固已標茲邃想滌此煩袪者也流連未幾更復縱眺躋  
危樓拓姓宇南望鍾山之陞西瞻新州之樹霞色絢於遙  
岫泉聲亂于鳴壑遠颿若脫時隱林杪歸雅羣飛忽散天

半暝色已赴浩歌方盈終當結湖上之巢擢石城之艇指  
客晨讌遲留夕談題壁之字皆成琳琅流霞之盃悉資芙  
芰飛仙可期美人在望將於素懷庶有符焉是爲記

讀秋水齋文

陽湖陸黻恩亞章

雲臺二十八將敘贊

夫君之馭臣善始者不必克終圖艱者難與其樂何則艸  
昧之初其於臣也非必有推心置腹之誠皆任智以御之  
深恩以結之使之入其彀而不得不爲吾用迨永清大定  
山河茅土皆其所手闢不得不推以予之與區沃壤皆爲  
其有子弟無尺土之分而其臣又或桀驁偃蹇不任驅策  
積嫌生疑積疑生忌而又逆慮怏怏非少主臣一旦千秋  
萬歲後傳之老母弱子人情翹旒不得不鉏而去之蓋以



猜主馭驕臣其得全者幾希矣惟漢世祖光武皇帝儒雅和柔出於天性蓋皆提掇嘗試以知其臣之才否而其臣又皆醇謹端慤無飛揚跋扈之性無畏罪懼禍之慮而又處之得其宜待之盡其道帶礪之盟爰及苗裔耿秉鄧訓諸人猶以勳臣之後爲國家柱石之用遐哉復乎非西京所可及矣顯宗時圖畫中興二十八將於南宮雲臺或以爲上應列宿此圖識之說不足馮也又以王常李通竇融卓茂埒於末凡三十二人卓茂以明德鎮俗竇融以擁土歸朝固非其類王常李通乃心別有所屬會光武成功讎然來歸此其與汗馬之功相去遠矣去之可也又馬援以椒房之親屏而不列惜哉顯宗欲遠其私而適足形其私也暇日披覽漢籍繹其行事慨焉慕之班氏有十八侯銘陸氏有高祖功臣頌袁氏有三國名臣贊而此獨闕如不

可不補也爰斐然而爲之贊曰

赫赫光武肇跡南方龍飛白水電發昆陽未伏兆帝銅馬  
稱皇霆驅河北底定雍梁金刀再復炎曜重光牙爪宣威  
股肱展力雲合飆回攀鱗傳翼列宿麗天祥雲奉日功邁  
蕭曹遇隆信越千載人豪羨茲廟食淵淵高密計定謀深  
杖策鄴都前席寫心中分麾下扶義而臨仁聲所播關陝  
歸忱爰作司徒封同蕭相埽清京邑功無與讓高陵偶甞  
慙於受謫一節雖誓其猷克壯內行醇備元勳無尙

鄧禹

桓桓廣平隱若敵國沈勇有謀龍驤豹匿爰發突騎功始  
河北旣斬謝躬旋平獲索青犢五旛次第糾殛隴西克定  
遂伐公孫露橈裝船長驅荆門違敕輕進幾致覆軍不遠  
之復封狼喪魂過家上冢保榮斤斤遺言毋赦傳於後人

吳漢

烈烈膠東將相之器少勤於學起家鹽吏珠不闇投

擇主而事披羽先登裹創轉驚恐其輕敵方面鮮寄誰當  
擊郾惟執金吾折衝千里廟算無虞有功不伐天子曰都  
明其勳伐食六邑租晚節剽甲說禮敦儒三侯參議恩遇  
誰如賈復好時恢恢經武宏才盧奴上謁燕卒招來北道  
作主南首終回溫明造牀克展壯懷建策南陽釀酒齊臺  
平步取豐皇威遠震撫郡十二兵不血刃治過平陽勳踰  
韓信昆弟六人青紫連朝若秉若恭顯顯令問耿弇雍奴  
翼翼繼跡蕭公功曹發名廣阿從風卒贊大業河內關中  
儲糧繕甲根本足崇伐竹淇園式遏洛嵩後守潁川載其  
靜謐迹慕蘭生身為賈屈民望寇來稽首陳乞斬文降輟  
誅申倏忽經明行修保其寵秩寇恂舞陽洸洸致誠河內  
立節刺姦推心納穢說鮪降邯豐戎推敗南撫交趾聲震  
絕塞既定秦隴遂趨荆門橋東湍急颶馳炬焚多張疑隄

山冥霧昏迅若風雨車馳卒奔功成俄頃彭公泣軍武陽  
廟貌遺愛猶存

岑彭

陽夏休休志在春秋父城作掾巾車

脫囚伯升之難寬譬悲憂無蔓奉粥滹沱進舜功均趙季

壺殮願酬戡定河洛西征赤眉垂翅回谿奮翼鼂池關中

專制萋菲多辭遺榮謝寵恩禮無虧落門星隕大樹枝摧

馮異

高侯炳炳少畜外家詞陳日角意密怒加黎邱受降

卒荷褒嘉總角之舊綢繆燕衍講舍違言彌敦惻款賜密

贈金龍姿婉孌南陽故人此焉匹鮮

朱祐

潁陽濟濟匪將

惟儒對酒設樂雅歌投壺執法市令椎石明誣西平汧隴

虞殯歌塗車駕臨喪飾終邁古憂國奉公誰如征虜丹書

鐵券載在盟府亦有弟彤後先步武

祭遵

櫟陽侃侃言語

之科棄闇投明突騎奮戈上谷漁陽厥功最多北州大將

勲在兩河封啟關西榮逾衣錦陝賊跳梁不遑枕寢卧鎮

從容有疾胡諗齋志以終有恨尙飲

景丹

矯矯安平治辦

職清從平河朔敖倉連營睢陽轉戰刈麥梯城指授違宜

旋被詔責彭城泗水輿尸敗績西盪河池以病自釋卒保

祿位書名竹帛

蓋延

安成肅肅矜嚴有威大呼稱趯士眾

皆披先登陷陳攝幘忘夷請閒陳說欲遂前辭誠感李熊

自殺以謝威信之行不言而化期門之出頓首回駕憂國

愛主匪懈夙夜

銑期

東光蹇蹇效誠邯鄲將其宗族焚其

舍垣盡室以行慮專志殫射犬之役矢注矛攢不震不竦

危而獲安脅執劉揚折衝坐勝請郡自效文修武定民願

得耿上達天聽盜賊屏跡攝其威信

耿純

戴戴朗陵志氣

騫騰荆門之役回轉車較矯制取馬呼譟山登左騎右步

山鳴谷應卒定羅馬愔箸威枝揚虛糾糾奮跡綠林叢臺

燕語邂逅歸心從征隴上力過驅侵從容之言守尉堪任

酒德雖過海納宏深茲兩人者騁其雄圖鳴劍抵掌志馳  
伊吾天子神聖黃石合符閉關謝質好幣脫弧常勝關下

游郭家池記

淮城之西北隅有郭家池者竹樹翳蒼煙水明瑟菰蔣淒  
碧谿流澹澹微雖在城市之中邈然有雲霞之趣予以六月  
既望偕同人往遊焉舫可十尺酤盈一壺晨曦乍升夙露  
猶滴權移若窮忽又無際兩岸埜鳥一川鯈魚溪光媚人  
禽響畚客十株之柳纖翠於遙空百弓之橋寫景於波際  
芰蒲蔚蒨襍以芰荷奇芬鬱然碧蘊自絜溪鮫權女接迹  
於隄邊蓮唱菱歌相交於澗曲蒹葭而外古寺森然水艸  
之澗傑閣屹若繚以周垣帶以危亭款坐未幾言笑相錯  
荷氣襲於芳尊簫香繞於衣袂岸旁汀艸皆湛清華曲檻  
虛廊都溜水色旣而山雲忽起川霧漫空蟄龍跋瀨風雷

鼓其奇氣驟雨灑席天地助其壯褻裕服涼於纖絺清醪  
寒於冰水遂使襲冠帶者蕭然有褻葛之思榮魏闕者超  
然有江湖之想焉且夫炎燠不齊諠宋殊致睹風雲之變  
幻悟羸縮於物情苟自得於達觀將奚適而不可曰茲池  
之灌莽錯蘓萑蒙茸在選勝者視之方且鄙爲蕨墟號  
爲逋藪而達觀者流連於魚鳥耽翫於煙霞雖金谷之遊  
不啻過之鄺道元有言山水有靈亦驚知己於千古矣故  
爲之記以詠來者且賦詩六篇時同游者張布衣東生惲  
主簿晚籜也

同年生洪君芝齡誄

維咸豐己未孟夏壬寅同年生洪君芝齡以疾卒於粵東  
之佛山鎮嗚呼哀哉馳書崑崙之舶載沈載浮問耗悔客  
之舟將疑將信越三月孟秋辛卯始聞赴爲位而哭禮也

君諱憲方一字鵬甫北江先生幼子也先生高文清節炳  
耀寰區魯國文舉氣吞子魚之徒槐里朱雲談折五鹿之  
角君乾蔭早失金諶復凋慈母邵太孺人躬親鞠養幼而  
岐嶷羈卬夙成鑿楹取書畫荅學字馬文淵之志節長兄  
撫而益哀任樂安之孤兒父友見而垂泣年纔弱冠卽能  
爲漢魏六朝文字性耽墳籍復受交游典衣服書出門求  
友凡劉向中經之簿野王輿地之編潘岳述征之文蘭成  
思舊之作莫不斧藻在手琬琰成章傳觀之夥逾於顏高  
之弓鈔寫之勤貴於洛陽之紙年二十三補學官弟子踰  
年中副榜貢生於是北走燕雲西遊梁苑誦洞簫之賦爭  
識子淵耳才子之詩共知元九公卿聞而倒屣者艾見而  
傾心陳遵在坐但覺神驚公瑾飲醇自然心醉然而名偶  
時乖才高運蹇光範之闔三踵而見嗤長安之書十上而



未達年三十六始舉於鄉仍五試南宮乃得謄錄筮仕廣東一爲新甯知縣嗚呼方圓性也華樸質也君以瀟灑之姿作風塵之吏固知才用相違鑿枘不入聽雀鼠之訟仍手一編綴雞鶩之班猶懷半刺宜其匿笑僂輩取譏上官密縣仁政見請於督郵齊吏紆徐不諧於朱博陽城當書下考蕭育何能詣曹乃至歎身世於蜉蝣賦奇愁於窮鳥蘭熏自熱天龔生之天年日暝猶曠符彥昇之死地焉嗚呼哀哉蔽恩曾爲胄子忝附計偕墳簾叶平卅年參商纔及五稔乃人日之作尙荷夫寄題秣陵之書不及乎追會脫舊館之賻方且無期歸洛浦之骸定知何日入左阿君室如過黃公之壚經西師巷門宛抱羊曇之慟在昔比肩之侶盟笠之儔或羈宦於他方或長遊於泉下從此西堂月冷永閼坡公之筵小閣霜淒誰祭閭仙之像新鬼大而

故鬼小今雨來而舊雨稀雖彭殤之理歸乎大齊而張范之交竟殊生死用是眉涕吮墨長歌當哭而作誄曰

章甫適越虞韶奏秦周鼎幹棄燕石稱珍曾是之子而困  
囂塵不獲乎上願願沒身嗚呼哀哉子之壯年如劍出鋒  
浩瀚博麗蔚爲詞宗組織莊屈發揮遷雄願陸之學克紹  
先公大川涉三九州遊五原本山川嘯傲傳侶獻賦兔園  
卿檄幕府朝梁莫宋咸得其所謂遊之適而官之安藉展  
尺寸不思其難聚鐵鑄錯屈身就官潢潦躍鯉枳棘栖鸞  
古之謫人乃投領表今也筮仕不計遠道斗大山城簿領  
卿卿繭絲牛毛吏議絞繞及瓜方代惛臆煩冤州部嚴切  
悼心喪魂常恐一朝收者到門羈愁瘴海誰弔虞翻嗚呼  
哀哉疇昔之交三十三載惟君我諧我爲君宰論秀充賦  
同摩戰壘神明無閒形景相待視君休官跛子望之卷施

舊隱開尊賦詩一握爲笑俟我庭而不謂雨絕契闊棄遺  
嗚呼哀哉自初驚耗月旅裝賓海外之傳挂萁十旬謂爲  
不信而竟返眞天平奚酷奪我哲人嗚呼哀哉散材易全  
甘井先竭夢想虛衿精靈倏忽一鐙熒然寒氣砭骨魑魅  
舞風鶴鷃嘯月嗚呼哀哉凡我碩交孰侑百齡死生晝夜  
同歸杳冥有不盡者唯身後名譚辭難罄逝矣芝胎嗚呼  
哀哉

呂母譚太孺人哀讚

太孺人姓譚氏廣西東蘭知州鈞次女某某先生諱某之  
配也幼有懿德淑慎柔嘉幽閒有容率是儀矩凡女師德  
象之文曹家七篇之誡莫不嫻習在昔姜呂邢譚世締姻  
好年二十一相攸克諧時某某先生隨宦粵西入爲秦贅  
亦越兩載乃歸里舍誕承家道虔奉威姑贊夫子以明德

鬻孤穉以慈愛舉夫滫醢藁榆之節蘭遺茝問之宜蘋蘩  
筐筥之潔清井竈蔥韭之纖細劬勞煩辱必親必誠治內  
攝外送往事居以婁空之室當大事者二辛勤墓槨奠茲  
窀穸每至一餅四裂三旬九餐屢屨楫楸與槐葉而俱燒  
黃獨蒼耳雜糠粃而同鬻茹荼在心樹護於背蓋備嘗艱  
苦者三十有餘載然後得息仔肩諉婦職焉歲在乙卯孤  
子倬孫方自蜀歸娛侍左右於時太孺人春秋高矣雖有  
三孫未克成立倬孫慮家居則無以負米遠游則誰爲侍  
疾進退維谷憂見於顏太孺人心知其意乃僦俛加餐示  
之無恙倬孫不得已旁皇就道經涉瘴海馳越精魂而太  
孺人旨甘柔脆藉以無關優游頤養又閱五載今年之夏  
所疾驟增以七月朔日終於里第壽七十有九倬孫遠在  
五千里外不克躬嘗藥視屬纊飾終之禮此心闕然陟屺

永懷母也天只孫某某等祇奉遺訓將以八月某日附葬  
於某某君之兆治命旣不可違而星奔又不克遽返斂不  
馮棺窆不臨穴天之生我我辰安在嗚呼痛哉徽恩與有  
嫻連爰爲哀讚慮倬孫之無以自解也乃代爲孤子之詞  
以寫其悲兼以慰逝者之意讚曰

痛母氏之勤劬兮緬一生其寡懽奉君姑於邁齒兮調甘  
滑而勸餐進稠襦以奇溫兮躬敝縕而忘寒儼相莊於舉  
案兮助義命而相安鞠穉子之閔斯兮刀與尺其力殫丁  
子家之不造兮復暈勉夫衾棺強生存而撫孤兮泪傾河  
其未乾挂苒其卅載兮極勞心以博博方息肩於晚暮兮  
謂形臞而神全何心力之交瘁兮哀樂又促其壽年孫婦  
忽其舛絕兮拊遺雛而泣然渺滄海而南望兮計程逾乎  
五千積倖際以彌留兮曾不得乎少延繫棘人之樂樂兮

愴見星而足繭縱百舍而一息兮羌難追夫聖善觀音容  
於影像兮涕盈盈其增覲誠遺命之難違兮曾不能以少  
展心餘憚以煩冤兮雖匪石而轉輾嗟人皆有所天兮孤  
獨抱此無涯悲卷施拔心而亦死兮梧楸萎折而離披及  
黃泉而相見兮指大隧以爲斯墓門蕭蕭兮艸離離寄愁  
地上兮復幾時我爲作此孤兒哀母兮精爽當知之

孝廉汪君墓銘

維咸豐八年秋九月壬寅孝廉汪君逸雲諱士進以疾卒  
於里第其明月辛未將啟其配楊孺人之兆而合葬焉於  
時縉紳儒林咸謂君之行己也修絜自好意澹無爲含和  
稟粹溫潤淑均清不能汚弱不可犯其英如金碌碌如玉  
守身若處子防意如堅城不折節以附炎不傲世以陵物  
其事親也出入必告滌澣必潔小心翼翼柔色溫溫有嬰

兒之嬉戲匪野人之朴誠廉以養志隱不違親孝乎惟孝  
鄂鄂怡怡其爲學也沈酣六籍含咀百氏牢籠物態剖析  
豪芒參莊列之玄言采魏晉之芳潤匪雕匪斲不高不卑  
自然雅潔絕去磷緇其爲教也嘉善獎能循循善誘不强  
柄以鑿不陵節而施如良治之無頑鑛如匠石之無棄材  
坐以春風化以時雨其接物也能近不能移可親不可狎  
寬仁雅令汎愛能容芬若椒蘭光若霽月淡而彌永久而  
益親其遭遇也幼登鄉校長貢成均迨察孝廉年已及艾  
其閒試金陵者十一試京兆者二與計偕者二其不得已  
不愠其得之也不喜閒講席者數十載弟子登仕籍者蓋  
十百人焉巖巖以養其望皜皜以畜其德故雖一介之士  
其登門仰止者以爲逾於名公巨卿也景命不融奄然物  
化春秋六十有三令子三人長仲皆先君卒季子景澄吾

女夫也先是君夙有肝疾今歲之春欲其子之赴試也因  
稍進藥餌厥然若愈景澄不獲已黽勉就道夏秋之交舊  
恙增劇每北望長懷若濡忍以待子之歸者迨景澄歸侍  
疾者財數日耳鮮民之生不如死之久矣嗚呼痛哉於是  
門人學徒相與累行述德徵銘於子冀以傳君於不朽且  
以塞孤子之悲其闕閔行歷悉如狀詞曰

江南之汪咸祖於歙或潛或曜世載名德維君挺生幼而  
岐嶷發問垂休爲士楷式翱翔倫黨和洽埴麓交遊儕輩  
不激不隨羣望旣翕遂擁皋比亦文亦史經師人師叔度  
陂澂太丘道廣逸性風疏高懷月朗尙有典刑風流嚮往  
木壞山積後生安仰我懷公瑾臭味斯投潘楊之戚奚胥  
之儔疇昔杯酒俄頃山丘雲隨鶴化人去琴畱僅是藐孤  
銜恤靡託庶幾克家楹書能鑿是則是倣增其丹牋垂裕



後昆九京可作

國朝常州駢體文錄卷第二十七